



ԿՐԹԱՄՇԱԿՈՒԹԱՅԻՆ ԵՎ ԽՈՐՀՐԳԱՏՎԱԿԱՆ ՀԱՍԱՐԱԿԱԿԱՆ ԿԱԶՄԱԿԵՐՊՈՒԹՅԱՆ ԹԵՐԹ

No 7

ՀՈՒՆԻՍ  
2011 Թ.

(Բուն Հայոց 4503 ք.)

Լույս է տեսնում  
2009թ.  
Հոկտեմբերից

# Համախմբվենք յուրաքանչյուրիս և ընդհանուր խնդիրների շուրջ

## ԽՄԲԱԳՐԱԿԱՆ

Ամեն աստծո առավոտ արթնանում ենք նոր ձեռքբերումների ու հաղթանակների հույսով... Իսկ այդ հաղթանակները կռում է ժողովուրդը, որը զանգվածաբար հեռանում է մեր հայրենի բնօրրանից...

Հայր դարեր շարունակ պանդուխտ է եղել...

Շատ ենք անդրադառնում այս մտքին: Բայց, ցավոք, վերոհիշյալ բառերն ավելի հաճախ արտասանում ենք այդ մտքի հետ համակերպվածի հոգեբանությամբ: Երբեմն էլ Հայաստանից մեր մեկնելն արդարացնում ենք այն պատմական անարդարությամբ, որ հայր երբեք պանդխտության ցույցը այդպես էլ վայր չդրեց. ասել կուզի՝ ճակատագիր է: Եվ այս ամենի պակաս է կազմում ինձ համար անտանելի մի կարգախոս. «Որտեղ հաց, էնտեղ կաց»:

Ու տասնամյակներով, դարերով տանով ենք տալիս մեր ազգային, հոգևոր, մշակութային արժեքները՝ անվերջ լուծելով այդ շարաքաստիկ «հացի խնդիրը»:

Մեկնողների մեծ մասը պատճառաբանում է, թե մեր երկիրն այն չէ ու Հայաստանն իր զավակների համար չի պահպանում զարգացման դաշտ: Դե, զավակներն էլ ստիպված, այլընտրանք չունենալով, օտար ափերում են բախտ որոնում:

Ըստ իս, դա այնքան էլ այդպես չէ... Ավելի շատ ոչ թե երկիրն այն չէ, դրա համար են մեկնում, այլ զավակներն անտեր են թողնում ու հեռանում, դրա համար էլ երկիրն այն չէ:

Լավ, հասկացանք, երկար դարեր թշնամիներն ավիրել են մեր երկիրը, ասպատակել, ճնշել, գերեզմարել... Պետություն չենք ունեցել ու պետականություն: Ցեխ ենք շարտում կոմունիստների ուղղությամբ՝ գրեթե ուրանալով խորհրդային տարիների ձեռքբերումները... Ենթադրենք՝ ճիշտ ենք վարվում՝ մեղադրելով ու մերժելով այդ տարիները: Բայց չէ՞ որ արդեն երկու տասնամյակ է կերտում ենք մեր անկախ պետականությունը և ունենք ժողովրդի ծոցից ծնված իշխանություն...

Մինչդեռ մեր բարեկամ, ու ոչ այնքան, երկրները բացահայտ ազախությամբ կլանելով լավագույն հայրողիներին՝ շենացնում են իրենց երկրներն

ու «մեծահոգաբար թույլ են տալիս» որ նրանց ստեղծածի փշրանքներից հասնի Հայաստան՝ չմոռանալով նույն մեծահոգությամբ հայտարարել, թե իրենք են պահում մեր հնամենի երկիրը, այդ նույն պահին Երկիրն պետական այրերն այտեղից մեկնելու ճանապարհներն են հեշտացնում, ենթադրաբար ուրախանալով, որ էս մի քանի հազարի լացից էլ կարծեն, որ վերջիններս էլ պահանջներ չեն ներկայացնի...

Ստացվում է պարադոքս. պետականություն չունենիք՝ Հայաստանը հայաբափվում էր, ունենք, դարձյալ հայաբափվում է... Բա, տարբերությունն ինչու՞մն է... Որտե՞ղ է վերջապես այս հարցի լուծումը, որն ուժերի հարաբերակցությունը կփոխի մեր լինելության կողմը... Ե՞րբ ենք ունենալու մեր ամենաարժեքավոր պոտենցիալին տեր կանգնելու ազգային հայեցակարգ:

Մեր գաղթական պապերը մեռան հայացքները դեպի ԵՐԳԻԲ, հնար չկար հետ գնալու՝ թուրքն էր ճանապարհին: Այսօր ի՞նչն է ճանապարհին, որ ընտանիքներով գաղթում ենք ու գաղթում...

Վերջին ժամանակներս, ընդհուպ մինչև ամենաբարձր մակարդակով, հաճախ են անդրադառնում սույն խնդրին: Ըստ իս, վիճակը բավականին լուրջ է, չնայած հավաստիացումներին, թե իբր, ճիշտ է, կա այդպիսի խնդիր, բայց ոչ այն մակարդակի, որ դառնա ազգային անվտանգության հարց:

Չարմանում են, Հայաստանի Հանրապետությունն իր մարդկային ռեսուրսներից առավել գնահատելի ի՞նչ ունի, որ դրա վրա սևեռված չի նկատում, թե ինչպիսի սարսափելի արագությամբ են արտահոսում իր կադրերը: Հետո էլ ասում են, թե մտածում են հայերի ու Հայաստանի մասին. կասկածում են... Ասում են ասելու համար, այնպես, ինչպես զբոսաշրջությունը հայտարարում են տնտեսության գերակա ճյուղ, բայց գնալով երկիրս ավելի ու ավելի է խճճվում համատարած աղբի մեջ...

Մեր հաղթանակները ցույց են տալիս, որ կարողանում ենք հաղթել ու հաղթահարել անհաղթահարելին, ցավոք միայն երբ դանակը հասնում է ոսկորին...

## ՄԵՐ ՄԱՍԻՆ

Հարավփոփա աշխարհում ամեն ինչ փոփոխական է ու հարաբերական, բացի մի քանի բացարձակ արժեքներից, ինչպես օրինակ՝ սերը: Ասվածին համահունչ ու ներդաշնակ է ապրում և գործում «Թռիչք» իկ-ն, որի կազմը թեև անընդհատ թարմացվում է, փոփոխություններ կրում, միևնույն է կազմակերպությունը մնում է իր բռնած ուղուն հավատարիմ՝ այն է. լավագույն լուծումներին ձգտել կրթությամբ զարգացման ու յուրաքանչյուր բնագավառում մշակույթի ձևավորման ճանապարհով: Իր առջև դրված խնդիրները լուծելու համար «Թռիչքը» տարբեր տարիքային խմբերում իրականացնում է բազմապրոֆիլ աշխատանքներ: Ներկայումս գործում են.

- ♦ «Կրտսեր հայրորդաց» խմբակը (ղեկավար՝ Քրիստինա Հակոբյան), որում ընդգրկված են 10-12 տարեկան երեխաներ: Այստեղ երեխաների հետ տարվում են քաղաքացիական և հայրենասիրական կրթադաստիարակչական աշխատանքներ: Բարձրացվում են նրանց իմացական և օգտակար ակտիվության մակարդակները:

- ♦ «Պատանի լրագրող» խմբակը (ղեկավար՝ Հերմինե Օհանյան)՝ 13-15 տարեկան պատանիների ու աղջիկների մասնակցությամբ, ովքեր սովորելով լրագրության հիմունքները, գործնական քայլեր են իրականացնում՝ փորձելով դառնալ մեր հասարակության վաղվա անաչառ տեղեկատու-լրագրողը:

- ♦ Երիտասարդական թևը (ղեկավար՝ Սվետլանա Արզումանյան), որի անդամներն են 16 և ավելի տարիք ունեցող թռիչքականները:



Գրական երեկո ՀԳՄ Լոռու մարզային բաժանմունքում

Վերջիններս աշխատում են ինքնակրթության ու փորձի փոխանակման ճանապարհով բարձրանալ իրենց իրենց նկատմամբ ու ակտիվ մասնակիցը դառնալով հասարակական զարգացումների, նպաստ բերել հարազատ երկրի բարգավաճմանը:

- ♦ Ս/թ. հուլիսի 20-ից գործում է «Պատանի բնասեր» խմբակը (ղեկավար՝ Տաթև Դուկասյան), որին կարող են մասնակցել 11-15 տարեկան դպրոցականները: Խմբակի երեխաները կստանան համապատասխան գիտելիքներ, կդառնան բնապահպանական մշակույթի կրող ու տարածող: Այստեղ կիրականացվեն նաև գործնական աշխատանքներ ու տարաբնույթ ակցիաներ:

Կազմակերպությունն ապրում է իրեն հատուկ արագ շիթմով՝ ակտիվ մասնակցելով համայնքի կյանքին՝ նախաձեռնելով և միանալով այլոց նախաձեռնություններին: Մեր ավանդույթներից

հարազատ մնալով այս տարի ևս նշեցինք բոլոր պետական, եկեղեցական տոները և հիշատակման օրերը: Օրինակ բավականին ծավալուն ծրագրով մասնակցեցինք «Թանգարանային գիշերվա» և «Թանգարանների միջազգային օրվա» միջոցառումներին: Հատկանշական է, որ մայիսի 9-ին հուշարձան այցելելուց հետո իրականացրեցինք ևս մեկ ավանդույթի ուժ ստացած ակցիա՝ զարնանային ծառատունկ (այս անգամ թիվ 24 դպրոցի բակում): Խորին երախտագիտությամբ տեղեկացնենք, որ շիվերը անվճար տրամադրել էին Գուգարքի անտառտնտեսությունը և «Բնապահպանություն» ՀԿ-ն, որն, ի դեպ, փնտրում է հովանավորներ: Այս տարի մեր մշտական գործընկերների շարքերը համալրեցին ՀԳՄ Լոռու մասնաճյուղն ու «Լոռի-Փամբակ»-ի երկրագիտական թանգարանը, որոնց հետ արդեն հասցրել ենք մի քանի անգամ համատեղ միջոցառումներ իրականացնել:

Տեղին է անդրադառնալ նաև հուլիսի 10-ին դեպի Բոլոր Քար կատարած քայլարշավին: Այդ օրը արշավի մասնակիցների համար բովանդակալից էր՝ օգտակար ու հաճելի: Կազմակերպվեցին դասախոսություններ, խաղեր, գեղարվեստական համարներ:

Առաջիկա ծրագրերից է հուլիսի վերջին իրականացվելիք ուխտագնացությունը դեպի Սանահին և Հաղբատ վանքեր և այդ այցելության շրջանակներում վարդավառի տոնի նշումը Դսեվանքում:

Կյանքը շարունակվում է և շարունակվում է «Թռիչքի» ծախրանքը...



Ծառայունիկ թիվ 24 դպրոցի բակում, 9 մայիսի 2011 թ.





